



Broj: 13-11-4-1977/24
Sarajevo, 22.05.2024. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14 i 59/22), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinski načelnik donosi

ODLUKU o izboru najpovoljnijeg ponuđača

I

Za najpovoljnijeg ponuđača za javnu nabavku roba „Nabavka paketića za dan Dječije radosti“, po provedenom postupku javne nabavke putem otvorenog postupka javne nabavke izabran je slijedeći ponuđač:

DEFTER d.o.o. Sarajevo
sa ukupnom cijenom od 34.987,68 KM

(slovima: tridesetčetirihiljaddevetstotinaosamdesetsedam i 68/100 konvertibilnih maraka) sa PDV-om

II

Za izvršenje ove Odluke zadužuje se Služba za obrazovanje, kulturu i sport.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

IV

Odluka o izboru najpovoljnijeg ponuđača objavit će se na web stranici www.novosarajevo.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

O b r a z l o ž e n j e

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinskog načelnika broj: 13-11-4-1977/24 od 04.03.2024. godine.

Procijenjena vrijednost javne nabavke sa PDV-om je: 35.000,00 KM (slovima: tridesetpetihiljada i 00/100 konvertibilnih maraka).

Obavještenje o javnoj nabavci broj 935-1-1-47-3-134/24 objavljeno je na Portalu javnih nabavki dana 26.03.2024. godine, te ispravka o obavještenju o javnoj nabavci broj 935-1-1-47-8-173/24 dana 13.05.2024. godine.

Komisija za javnu nabavku roba, radova i usluga je imenovana Rješenjem Općinskog načelnika broj: 01-30-5-8227/23 od 17.10.2023. godine, te Rješenjem o izmjenama Rješenja broj: 01-30-5-8227-1/23 od 06.02.2024. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da su do dana 22.05.2024. godine, pristigle ponude slijedećih ponuđača:

| Red. Br. | Naziv i sjedište ponuđača | Ukupna ponuđena cijena sa PDV-om |
|----------|----------------------------|----------------------------------|
| 1. | PENNY PLUS d.o.o. Sarajevo | 34.791,12 KM |
| 2. | DEFTER d.o.o. Sarajevo | 34.987,68 KM |

Komisija za javne nabavke roba, radova i usluga je, izvršila evaluacije pristigle ponude, te je konstatovala slijedeće:

Ponude ponuđača DEFTER d.o.o. Sarajevo je **prihvatljiva** jer ispunjavaja kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Ponudu ponuđača PENNY PLUS d.o.o. Sarajevo Komisija je ocijenila kao **neprihvatljivu i nepravilnu** iz sljedećih razloga:

Tenderskom dokumentacijom u napomeni Obrasca za cijenu ponude navodi se sljedeće: „*Ponuđači su obavezni, u sklopu ponude, dostaviti uzorke robe navedene pod rednim brojem od 1-6. sa jasnom naznakom roka upotrebe. Svi proizvodi trebaju biti proizvedeni u BiH i trebaju imati bar kod 387, izuzev stavke 6.*“

Ponuđač PENNY PLUS d.o.o. Sarajevo je dostavio uzorke robe zahtijevane Obrascem za cijenu ponude pod rednim brojem od 1-6, međutim uzorak broj 3. Med u staklenoj tegli od min. 30 grama je dostavljen bez bar koda 387, kao načina identifikacije da je navedeni uzorak proizveden u BiH.

Iz dostavljenog uzorka je vidljivo da isti ne odgovara zahtjevima iz tenderske dokumentacije.

Nadalje, tenderskom dokumentacijom u tački 7.4.1. a) zahtjevano je sljedeće „*uspješno iskustvo u realizaciji najmanje najmanje 1 (jednog) ugovora koji se odnosi na nabavku paketića za učenike, u posljednje 3 (tri) godina računajući od dana objave Obavještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 3 (tri) godine.*“ U vezi sa navedenim ponuđač je bio dužan dostaviti 1 (jednu) potvrdu o uspješnoj realizaciji ugovora, koji se odnosio na nabavku paketića za učenike.

Ponuđač PENNY PLUS d.o.o. Sarajevo je dostavio potvrdu o uspješnoj realizaciji ugovora koji se odnosio na nabavku i isporuku novogodišnjih paketića za djecu predškolskih ustanova na području Općine Novo Sarajevo, broj: 16-11-3-3631/24 od 03.04.2024. godine, izdatu od Općine Novo Sarajevo.

Iz navedene potvrde je vidljivo da se realizacija ugovora nije odnosila na nabavku paketića za učenike, te se u konkretnoj realizaciji predmetnog ugovora radilo o nabaci i isporuci novogodišnjih paketića za djecu predškolskih ustanova.

Iz naprijed navedenih razloga, ponuda ponuđača PENNY PLUS d.o.o. Sarajevo se nije mogla uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

| Red. broj | Naziv i sjedište ponuđača | Ukupna ponuđena cijena sa PDV-om |
|-----------|---------------------------|----------------------------------|
| 1. | DEFTER d.o.o. Sarajevo | 34.987,68 KM |

Komisija za javne nabavke roba, radova i usluga je jednoglasno predložila Općinskom načelniku da donese Odluku o izboru najpovoljnijeg ponuđača ponuđaču čija ponuda je ocijenjena kao najpovoljnija, na osnovu kriterija najniža cijena, u ukupnom iznosu ponude od 34.987,68 KM (slovima: tridesetčetirihiljadestotinaosamdesetsedam i 68/100 konvertibilnih maraka) sa PDV-om, te da se ponuđaču DEFTER d.o.o. Sarajevo dodijeli Ugovor.

Općinski načelnik je saglasan sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.


Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.

OPĆINSKI NAČELNIK

Dr. Hasan Tanović



DOSTAVLJENO:

- PENNY PLUS d.o.o. Sarajevo
- DEFTER d.o.o. Sarajevo

Općina Novo Sarajevo, ulica Zmaja od Bosne br. 55, centrala telefon (387 33) 492 100
Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.



